

AKCIJA LUTKA Istražitelji SIPA-e otkrili pomagače pljačkaša banaka



Privođenje uhapšenih u prostorije SIPA-e, gdje su saslušani



(Foto: SIPA)

Uhapšena još sedmorica članova Elezove grupe

Uhapšeni Aleksandar Taušan, Vidak Milić, Slaviša Bobar, Mladen Mičić, Nikola Berjan, Damir Gondžić i Samir Avdić

Istražitelji Državne agencije za istrage i zaštitu (SIPA) jučer su rano ujutro u nastavku akcije kodnog naziva "Lutka" uhapsili još sedam pripadnika kriminalnog klana Darka Eleza, koji se nalazi na odsluženju zatvorske kazne u Srbiji, a očekuje se njegovo skoro izručenje BiH.

Obavljeni pretresi

Akcija je provedena po nalogu Tužilaštva BiH, a uhapšeni se terete za organiziranje kriminala.

Specijalci SIPA-e su u saradnji s pripadnicima CJB Bijeljina te policajcima iz Tuzle, Sarajeva, Istočnog Sarajeva i Zvornika pretresili sedam lokacija i uhapsili sedam osoba.

Na Palama je uhapšen suspendirani policajac Aleksandar Taušan, u Zvorniku Vidak Milić, a u Bijeljini Slaviša Bobar i Mladen Mičić, Nikola Berjan u Istočnom Sarajevu, Damir Gondžić i Samir Avdić u Sarajevu.

Slaviša Bobar aktuelni je direktor preduzeća "Univerzal" koje je u sastavu "Bobar kompanije".

On je rođak bijeljinskog biznismena Gavrila Bate Bo-



Policijski uviđaj nakon pokušaja pljačke "Nove banke"

bara, a nekada je držao autootpad. Mičić je jedan od suvlasnika autootpada na izlazu iz Bijeljine prema Brečkom i zet je direktora "Bobar Radija".

Uhapšeni Zvorničanin Vidak Milić također je imao autootpad. Kako nezvanično saznajemo, Bobar je telefonom kontaktirao s ostalim pripadnicima Elezovog klana, a navodno su pripadnici SIPA-e presreli neke od tih razgovora.

Iz Tužilaštva BiH kažu da se svi privedeni sumnjiče

za organiziranje kriminala i pljačku novca koji je transportiran iz "Pavlović banke" kada je ukradeno 1,8 miliona maraka.

Pljačka se dogodila na području Han-Pijeska u avgustu 2005. godine.

Ista grupa tereti se za pokušaj pljačke više od 2,2 miliona KM "Nove banke" prilikom transporta novca u Istočnom Sarajevu u novembru 2005. godine.

Tada su zaštitari agencije "Centurion" pucali iz pištolja na pljačkaše.

Nastavak aktivnosti

Jedan od zaštitara tom prilikom ranio je razbojnika Dalibora Ristića zvanog Daba, koji je poznat i po pokušaju bijega iz bijeljinskog zatvora.

Prema informacijama kojima raspolaže bijeljinska policija, Ristić je često prela-

Drine, kod Zvorničkog jezera i Donjeg Šepka, koristeći čamce.

Od izvora bliskog istrazi saznajemo da se uhapšeni većinom terete za pomaganje te pružanje logističke podrške direktnim izvršiocima pljački.

Uhapšeni su nakon saslušanja u SIPA-i predati u nadležnost postupajućeg tužioca u ovom predmetu Dubravka Čampare.

- Nakon što ispita osum-



Slaviša Bobar: Priveden bijeljinski biznismen

njičene, on će odlučiti o pokretanju prijedloga za određivanje mjere pritvora prema osumnjčenima. Tužilaštvo BiH, zajedno s policijskim agencijama, nastavlja aktivnosti u okviru akcije "Lutka" radi otkrivanja i krivičnog procesuiranja počinilaca više do sada nerazvijetjenih krivičnih djela ubistava, pljački, razbojništava i drugih teških krivičnih djela - rekao je Boris Grubešić, portparol Tužilaštva BiH.

A. ALJIMI-E. MUSLI

Kriminalci pomogli u istrazi

Od izvora bliskog istrazi saznajemo da su pojedini istražitelji SIPA-e boravili u Beogradu, ali i Malom Zvorniku, gdje su razgovarali sa Srpkom Ružičem, koji im je otkrio neke od ljudi koji su

učestvovali u ovim pljačkama.

Kao izvor istražitelja SIPA-e čiji je iskaz doveo do hapšenja pomagača pljačkaša je i Milan Mitić, poznati kriminalac iz Srbije.